

DANNIS BAPTISTAE
BERNARDII PATRITII LVCENSIS
EPISCOPI Q. ADIACENSIS

ORATIO

PRO ILLVSTRISS. LVCENSIVM
REPVBLICA.

AD GREGORIVM XIII. MAX. PONT.



BIBLIOTECA N. Z.
ROMA
VITTORIO EMANUELE

ROMAE, Apud Hæredes Antonii Bladii



VCENSIS. Ciuitas Rat
Beatissimæ parua quidem
hoc tempore Respublica,
sed libertatis bono, Ciuiũ
cõcordia, Pacis artibus Po
puli numero, Hominũ in
dustria, loco, fide & in Chri
stianam Religionem præci
pua pietate nõ penitus cõ-

temnenda; audita Sanctitatis tuæ in summum Pont. ele
ctione, mirifice, vt debuit, gauisa est: Cumq. de mitten
dis quamprimum Oratoribus, de more ageretur, con
tingit, vt ego, post longã in insula Corsica apud mihi cre
ditam Plebem in hac mea senili ætate penè dixerim re
legationem, nuper in Patriam transfretassem, quare ad
hoc munus cum his nobilissimis Ciuibus, nil tale cogi
ans, electus, occasionem hanc mihi quidem, vt verè di
cam, non ingratam nactus, potius quod optauì propte
suscepi, quã quid possem mature cogitauì, Ad tuæ San
ctitatis quam sepe coràm sum veneratus, semper absens
colui, sanctissimos pedes properè accedere, ad hũc Au
gustissimum confessum post longum tempus lætis ocu
lis spectandum redire, iucundissimum fore sentiebam;
hoc tantũ in hoc loco dicendi munus subire, cuiq; etiã
eruditissimo pertimescendum intelligebã. Sed inde Pa
triæ charitas & senatus reuerentia; hinc non minus iu
stum quã vehemens desiderium, me non modo præter
naturam & cõsuetudinẽ meam, sed forsan nõ sine abie
ctæ modestiẽ nota, ad hoc, licet pium, nimis tamen ar
duum

112
duum officium compulerè. Tuę igitur Sanctitatis præcipua humanitate & quodā hinc nominis, inde cognominis læto omine, sanctissimiq. collegij beneuolentia fretus; pro ingenii tenuitate, nō quę in hanc lucem proferri debēt, sed quę ex paupere penu promi possunt iuxta senatus Lucensis mandata explicaturus accessi.

Cuius quidē, ac totius populi ora, oculosq. vtinā inueneri posses vt meam vocem audis; tantam enim lætitiā, & gratulationem profectō videre, tam multū fuisset quā à me referri parum.

Quod eorum animorū gaudiū, & iucundissimā gratulationem ex quodā animi impetu profectā non esse, sed ex cordis penetralibus & certo iudicio emanatam; quam facillime aperta demonstratione comprobabo.

Cum iure naturali omnes homines ab orbe cōdito liberi nascerētur, & esse deberent, ipsius tamē naturæ ductu singulorū vtilitati ab eodē tempore cōsultū fuit; vt alter alterius ope subleuaretur & regeretur, & vt quisq; imbecillior esset alterius virtute iuuaretur, vt quisq; fortior alterum iuaret. Ex quibus initiis humana imperia sic paulatim sunt constituta, vt qui cæteros robore, virtute sapientia præstaret ei in alios quoddā imperium natura deberetur, & vsu concederetur. Qua in re illud statuendum venit, vt quanto quis præstantior esset, tanto melior ad alios regendos iudicaretur.

Hæc ratio in humanis imperiis iure optimo semper certissima, & probatissima habita fuit. In his vero, quę ad diuina pertinent, cōducibilior & longe magis necessaria nō immerito existimata, etenim si ad regendos ho

mines circa huius vitæ opportuna, præstantiores quædam virtutes & excellentiores viri sunt adhibendi.

Quales eos esse oportet, qui ad hominū animos & spiritus regendos, & ad perpetuam æternæ vitæ felicitatem deducendos præficiuntur?

Exigitur in terrenorū Imperatore prudentia, fortitudo, constantia, humanitas, iustitia, clementia & consimilia multa; In cælestium præterea administratore pietas, mansuetudo, charitas, puritas, modestia, indicibilis bonitas, benignitas, ac alia quàm plurima, & penè innumera postulantur, in eo autem Principe, qui cælestia simul & terrena, diuina pariter & humana regere, docere, perficere à Deo iubetur qualia & quantā flagitetur, hominis nō est explicare sed Dei; Qui quidem Opt. Maximusque Deus, in suis eloquiis, nisi aures claudere velimus, passim & in primis Regis prophetæ diuinis carminibus inculcat. Te igitur, quem nō nunc talem esse nostri officii causa aut tuę dignitatis intuitu nos prædicamus, sed multos iam annos talem fuisse certa experientia & constans fama cunctos populos docuit. Quem generalis quidam plausus in Pōtificem postulabat, cuius animi æquitatem & legalis iustitiæ amorē inualescentes meliorum voces prædicabant, cū Lucenses ipsi hoc idē præcipue ab experto tribuebant. Qui scires, qui posses, qui velles nō ad libitū, sed legitimo tramitē Imperij administrationem deducere. Qui quantū humanæ naturæ imbecillitas patitur, ad diuinarum à me enarratarū virtutum habitum proximior accessisti meritò ad supereminētissimū istū gradum christianorū omnium

piis votis optatum, populi acclamatione postulatū; a Deo ab eterno, vti dilectum, electum, nunc horū sapien-
tissimorum virorum beneficio sublatum; gaudent, & gratulatur. Gratulantur inquam, non tibi tantū sed his Præclarissimis electorib⁹ catholicę Ecclesię, Vrbi, & Orbi, christianisq; Principibus & populis vniuersis. Quod quantum in te erit in hac tua foelici ætate iustitia, iura, leges, iudicia, æquitas, te iubente, rerum potitura credantur; Te clauum tenente, pax, concordia, tranquillitas extrinsece & intrinsece sint regnaturę. Te supra omnes leges constitutum, legum æquitati studiose obsequētem, digna voce earum decreta palām præferentem videre expetunt & expectant. Neminē legitima iura implorantem à te reiectum aut reiiciendum confidunt.

Quę est Lucensium huic Sanctissimę sedi, animorum antiquissima addictio & deuotio, inde ab eo tempore, quo Paulinus Petri legatus ac noster primus Antistes Lucenses ad veram lucem & Christi fidem conuertit; omnibus semper Pontificibus creatis, ante omnes alios venerationem, & obedientiam libentissime & amicissime præstiterunt. Est tamen quiddam promptiores & cupidiore erga Sanctitatem tuam ad hoc officium nos reddens, Patria amicissima, iustitię, studium ardentissimum, doctrina præstāissima, humanitas singularissima, aliaq; complura quę mente potius comprehendī quā verbis explicari possunt.

Quod vero ad christiani nomini Hostes pertinet, animos vires sapientiā ad comprimendos & repellēdos vincendos & vinciēdos, & quantum pietate christiana permitti.

permittitur, vleiscendos, tibi non defutura. Omnes ita
persuasi sumus vt Italiæ Militum & aliorum locorum sa-
lutem auronam, commoda non minus cordi sis habi-
turus & ne temere Christi oues barbaris dilaniadæ obij-
ciantur curaturus.

Quem in statum res Christiana impulsæ sit, omnes
manifeste vident & prædicant, pro tanta autem necessita-
te cum a paucis pro re ipsa adhuc licet pie, prouideri di-
gnoscat, maiori tamen & vnanimi auxilio opeq; chri-
stianorum omnium tanto hosti occurrendum fore vide-
retur singulari sapientia, magna benignitate, exquisita
industria, ad ablata & perditæ recuperanda animorum
intentione & fiducia ad cætera exponenda & perdenda
opus esse videtur, cum tribus potissime rebus Imperia
& conseruentur, & amplificentur sapienti consilio, iu-
stis iudiciis, bonorum ministerio, totidem Dei Ecclesia
charitate, pietate, vnitæ; Tu qui non opibus & gratia
non controuersis & factionibus, sed pro non vulgari-
bus meritis diuini spiritus manifesto instinctu, concor-
dibus Patrū animis statim Pontifex optatus appellatus
electus renunciatus, vtrique regimini præfectus fuisti iis-
dem studijs rem christianā amplificare iam cæpisti qui-
bus tu ipse ad maiora consequenter prouectus, in qua-
libet minori fortuna in tot Romæ magistratibus, in sa-
cro Concilio, in legatione, ad maximum & præcipuum
christianæ fidei propugnatorem Philippum Regem, in
hoc consistorio in libellorum rescriptis sapientissime v-
sus fuisti.

Sed iam tempus est, vt tibi P. Beatissimæ Reipublicæ
Populi

Populi Senatusque Lucensis nomine & mādato omnia
ipforum vniuersorum & singulorum studia, obseruan-
tiam, vires & opes, quales illis sunt offeramus debitā &
consuetam Sanctæ Catholicæ Ecclesiæ & huic Romane
tibi que ipsi & Apostolicæ Sedi venerationem, honorē,
obedientiam, & adorationem præstemus, vti nunc hila-
ri animo offerimus & præstamus.

Te verò tanquā Christi seruatoris nostri in terris Vi-
carium & Petri successorem vna cum amplissimo & Sa-
cratissimo collegio obsecremus, vt quo nos cultu tuæ
Sanctitati & huic Sanctæ sedi flexis genibus procumbi-
mus, ea beneuolentia & benignitate in conseruanda
pariter atque honestanda à Deo nobis præstita liberta-
te suscipiamur. Dixi.

Responsum Pontificis.

Reuerendissime & Magnifici Oratores. Magis est q̃
vera Resppblica sibi ipsi gaudeat, quam quod sanctitati
sue agnoscatur: illa enim quæ apud vos vigere dicitis,
ciuiū cōcordia, pacis studium, industria, pietas, religio,
nō sine magna vestra laude, & bono accidere possunt:
hec autē tanti muneris administratio non sine maximo
suo labore, & periculo; qui eā ipsā quā agnoscit & pro-
fitetur præclara de vniuersa Repub. Christiana beneme-
rendi volūtatē (cætera. n. quæ uos ei tribuitis non agno-
scit) totā acceptā refert diuinæ benignitati. Quæ igitur
sapienter differuistis, ac monuistis, de legibus, de iudi-
cijs, de æquitate, de pace, hec eadē sanctitas sua toto pe-
ctore exoptat; vt autē præstare possit debetis pre cari à

diuina bonitate, quę vna cū voluntate tribuit etiā perficiendi facultatē. Quod vestra Respublica suas vires atque opes pollicetur aduersus hostes nominis christiani, nihil potuit sanctitas sua his præsertim temporibus gratus audire; vtetur vbi opus fuerit hac promissione.

Agnoscat autē tota vestra orationē ingratulando humanitatem, in monendo beneuolentiam, in operando caritatem, in pollicendo pietatem, in vestris rebus extenuandis modestiam, à quibus virtutibus illa profecta sunt, perpetua vestrę Reip. erga hanc sanctam sedē obseruantia, singularis item summorum Pontificum erga eandem Remp. beneuolentia, in qua sanctitas sua nemini cedit eorum Pontificum, quos quidem vobis amicissimos fuisse existimatis, quo etiā ei gratioꝛ est eiusdem Reip. hæc tam prompta tamq. alacris obedientia, vt filiorum optimorum, & carissimorum; quā quidem obedientiam vna cum venerabilibus fratribus suis S. R. E. Cardinalibus libentissime accipit, polliceturq. id quod postulatis vestram libertatem, & dignitatem sibi maxime cure futuram.